0.0.1 vappasuttam

- 1. ekam samayam bhagavā sakkesu viharati kapilavatthusmim nigrodhārāme. atha kho vappo sakko niganthasāvako yena āyasmā mahāmoggallāno tenupasankami. upasankamitvā āyasmantam mahāmoggallānam abhivādetvā ekamantam nisīdi. ekamantam nisinnam kho vappam sakkam niganthasāvakam āyasmā mahāmoggallāno etadavoca:
- 2. idhassa vappa kāyena saṃvuto vācāya saṃvuto manasā saṃvuto avijjāvirāgā vijjuppādā. passasi no tvaṃ vappa taṃ ṭhānaṃ yato nidānaṃ purisaṃ dukkhavedanīyā āsavā assaveyyuṃ abhisamparāyantī?
- 3. passāmaham bhante tam thānam; idhassa bhante pubbe pāpakammam katam avipakkavipākam tato nidānam purisam dukkhavedanīyā āsavā assaveyyum abhisamparāyanti.
- 4. ayañca kho panāyasmato mahāmoggallānassa vappena sakkena nigaṇṭhasāvakena saddhim kathā vippakatā hoti. atha kho bhagavā sāyanhasamayam patisallānā vuṭṭhito yenupaṭṭhānasālā tenupasaṅkami. upasaṅkamitvā paññatte āsane nisīdi. nisajja kho bhagavā āyasmantam mahāmoggallānam etadavoca: kāya nuttha moggallāna etarahi kathāya sannisinnā kā ca pana vo antarā kathā vippakatāti.

- 5. idāham bhante vappam sakkam niganthasāvakam etadavocam: idhassa vappa kāyena samvuto vācāya samvuto manasā samvuto avijjāvirāgā vijjuppādā. passasi no tvam vappa tam thānam yato nidānam purisam dukkhavedanīyā āsavā assaveyyum abhisamparāyanti? evam vutte bhante vappo sakko niganthasāvako mam etadavoca: passāmaham bhante tam thānam: idhassa bhante pubbe pāpakammam katam avipakkavipākam tato nidānam purisam dukkhavedanīyā āsavā assaveyyum abhisamparāyanti. ayam kho bhante vappena sakkena niganthasāvakena saddhim kathā vippakatā, atha bhagavā anuppattoti.
- **6.** atha kho bhagavā vappaṃ sakkaṃ nigaṇṭhasāva-kaṃ etadavoca: sace kho me tvaṃ vappa anuññeyyañ-ceva anujāneyyāsi, paṭikkositabbañca paṭikkoseyyāsi, yassa ca me bhāsitassa atthaṃ na jāneyyāsi, mame-vettha uttariṃ paṭipuccheyyāsi: idaṃ bhante kathaṃ, imassa ko attho?ti siyā no ettha kathāsallāpoti.
- 7. anuññeyyaṃ cevāhaṃ bhante bhagavato anujānissāmi. paṭikkositabbañca paṭikkosissāmi. yassa cāhaṃ bhagavato bhāsitassa atthaṃ na jānissāmi, bhagavantaṃ yevettha uttariṃ paṭipucchissāmi: idaṃ bhante kathaṃ imassa kvatthoti? hotu no ettha kathāsallāpoti.
- 8. tam kim maññasi vappa, ye kāyasamārambhapaccayā uppajjanti āsavā vighātapariļāhā kāyasamārambhā paṭiviratassa evamsa te āsavā vighātapariļāhā na

honti. so navañca kammam na karoti. purāṇañca kammam phussa phussa byantīkaroti. sandiṭṭhikā nijjarā akālikā ehipassikā opanayikā paccattam veditabbā viññūhīti. passasi no tvam vappa tam ṭhānam yato nidānam purisam dukkhavedanīyā āsavā assaveyyum abhisamparāyanti?

9. no hetam bhante.

10. tam kim maññasi vappa, ye vacīsamārambhapaccayā upapajjanti āsavā vighātapariļāhā. vacīsamārambhā paṭiviratassa evamsa te āsavā vighātapariļāhā na honti. so navañca kammam na karoti. purāṇañca kammam phussa phussa byantīkaroti. sandiṭṭhikā nijjarā akālikā ehipassikā opanayikā paccattam veditabbā viññūhīti. passasi no tvam vappa tam ṭhānam yato nidānam purisam dukkhavedanīyā āsavā assaveyyum abhisamparāyanti?

11. no hetam bhante.

12. tam kim maññasi vappa, ye manosamārambhapaccayā upapajjanti āsavā vighātapariļāhā manosamārambhā paţiviratassa evamsa te āsavā vighātapariļāhā na honti. so navañca kammam na karoti. purāṇañca kammam phussa phussa byantīkaroti. sandiţṭhikā nijjarā akālikā ehipassikā opanayikā paccattam veditabbā viññūhīti. passasi no tvam vappa tam ṭhānam yatho nidānam purisam dukkhavedanīyā āsavā assaveyyum abhisamparāyanti?

- 13. no hetam bhante.
- 14. tam kim maññasi vappa, ye avijjāpaccayā uppajjanti āsavā vighātapariļāhā. avijjāvirāgā vijjuppādā evamsa te āsavā vighātapariļāhā na honti. so navañca kammam na karoti. purāṇañca kammam phussa phussa byantīkaroti sandiṭṭhikā nijjarā akālikā ehipassikā opanayikā paccattam veditabbā viññūhīti. passasi no tvam vappa tam ṭhānam yato nidānam purisam dukkhavedanīyā āsavā assaveyyum abhisamparāyanti?
- 15. no hetam bhante.
- 16. evam sammā vimuttacittassa kho vappa bhikkhuno cha santatavihārā adhigatā honti. so cakkhunā rūpam disvā neva sumano hoti. na dummano upekkhako viharati sato sampajāno. sotena saddam sutvā neva sumano hoti. na dummano upekkhako viharati sato sampajāno. ghānena gandham ghāyitvā neva sumano hoti. na dummano upekkhako viharati sato sampajāno. jivhāya rasam sāyitvā neva sumano hoti, na dummano upekkhako viharati sato sampajāno. kāyena poṭṭhabbam phusitvā neva sumano hoti. na dummano upekkhako viharati sato sampajāno. manasā dhammam viññāya neva sumano hoti na dummano upekkhako viharati sato sampajāno. so kāyapariyantikam

vedanam vediyamāno kāyapariyantikam vedanam vediyāmīti pajānāti. jīvitapariyantikam vedanam vediyamāno jīvitapariyantikam vedanam vediyāmīti pajānāti. kāyassa bhedā uddham jīvitapariyādānā idheva sabbavedayitāni anabhinanditāni sītibhavissantīti pajānāti.

17. seyyathāpi vappa thūṇaṃ paṭicca chāyā paññā-yati. atha puriso āgaccheyya kuddālapiṭakaṃ¹ ādāya. so taṃ thūṇaṃ mūle chindeyya. mūle chetvā² paļikhaṇeyya. paļikhaṇitvā mūlānī uddhareyya. antamaso usīranāļa³ mattānipi. so taṃ thūṇaṃ khaṇḍākhaṇḍikaṃ chindeyya, khaṇḍākhaṇḍikaṃ chetvā phāleyya. phāletvā sakalikaṃ sakalikaṃ kareyya. sakalikaṃ sakalikaṃ karitvā⁴ vātātape visoseyya. vātātape visosetvā agginā ḍaheyya. agginā ḍahitvā⁵ masiṃ kareyya. masiṃ karitvā mahāvāte vā opuneyya. nadiyā vā sīghasotāya pavāheyya. evaṃ hissa vappa yā thūṇaṃ paṭicca chāyā, sā ucchinnamūlā tālāvatthukatā anabhāvakatā āyatiṃ anuppādadhammā.

18. evameva kho vappa evam sammā vimuttacittassa bhikkhuno cha santatavihārā adhigatā hontī: so cakkhunā rūpam disvā neva sumano hoti, na dummano upekkhako viharati sato sampajāno. sotena saddam

¹kudālapikam (machasam)

²mūle chinditvā (machasaṃ)

³usīranāļimattānipi (machasaṃ)

⁴katvā (machasaṃ)

⁵dahetvā (machasam)

sutvā neva sumano hoti. na dummano upekkhako viharati sato sampajāno. ghānena gandhaṃ ghāyitvā neva sumano hoti. na dummano upekkhako viharati sato sampajāno. jivhāya rasaṃ sāyitvā neva sumano hoti, na dummano upekkhako viharati sato sampajāno. kāyena poṭṭhabbaṃ phusitvā neva sumano hoti. na dummano upekkhako viharati sato sampajāno manasā dhammaṃ viññāya neva sumano hoti na dummano upekkhako viharati sato sampajāno. so kāyapariyantikaṃ vedanaṃ vediyāmīti pajānāti. jīvitapariyantikaṃ vedanaṃ vediyāmīti pajānāti. jīvitapariyantikaṃ vedanaṃ vediyamāno jīvitapariyantikaṃ vedanaṃ vediyāmīti pajānāti. kāyassa bhedā uddhaṃ jīvitapariyādānā idheva sabbavedayitāni anabhinanditāni sītibhavissantīti pajānātīti.

19. evam vutte vappo sakko niganthasāvako bhagavantam etadavoca: seyyathāpi bhante puriso udayatthiko assapaniyam poseyya, so udayanceva na labheyya, uttarim ca kilamathassa vighātassa bhāgī assa. evameva kho aham bhante udayatthiko bāle niganthe payirupāsim. soham⁶. udayanceva nādhigacchim⁷. uttarinca kilamathassa vighātassa bhāgī ahosim. esāham bhante ajjatagge yo me bālesu niganthesu sampasādo, tam mahāvāte vā opunāmi, nadiyā vā sīghasotāya pavāhemi. abhikkantam bhante, abhikkantam bhante, seyyathāpi bhante nikkujjitam vā ukkujjeyya, paţicchannam vā vivareyya, mūlhassa vā maggam ācik-

⁶svāhā (machasam)

⁷nādhigacchesyaṃ (machasaṃ)

kheyya, andhakāre vā telapajjetam dhareyya, cakkhumanto rūpāni evameva bhante bhagavatā anekapariyāyena dhammo pakāsito. esāham bhante bhagavantam saraṇam gacchāmi dhammañca bhikkhusaṅghañca. upāsakam mam bhante bhagavā dhāretu ajjatagge pāṇupetam saraṇam gatanti.